


1
R E G V L A E

ALIQUOT
SOCIETATIS
I E S V.



B V R G I S.
Apud Philippum Iuntam.

1 5 8 3.
Cum facultate Superiorum.

2A IV 311
CIVITATIS
7 3 11
Regulæ generales, & communes, siue
summarium Constitutionum.

Regulæ modestiæ.

Instructio ad reddendam conscientiæ ra-
tionem.

Regulæ peregrinorum.

De obedientiæ virtute, Epistola. P. N.
Ignatii.

Catalogus Missarum & Orationum.

Formula votorum simplicium.

S V M M A R I V M
 EARVM CONSTITVTIONVM,
 quæ ad spirituales nostrorum institutio-
 nem pertinent, & ab omnibus ob-
 seruandæ sunt.

I.



*Q*UANTVS summa sapien-
 tia, & bonitas Dei Creatoris
 nostri, ac Domini sit, quæ con-
 seruatura est, gubernatura,
 atque promotura in suo san-
 cto seruitio hanc minimam

Constitutio-
 num necessi-
 tas.
 In proæ.
 Cōf. s. i.

Societatem IESV, ut eam dignata est inchoa-
 re: ex parte verò nostra interna charitatis, et a-
 moris illius lex, quam Sanctus Spiritus scribere,
 et in cordibus imprimere solet, potius, quàm ullæ
 externæ Constitutiones, ad id adiutura sit. Quia
 tamen suaui dispositio diuinæ providentiæ suarū
 creaturarum cooperationem exigit, et quia Chri-
 sti domini nostri Vicarius ita statuit, et Sancto-
 rum exempla, et ratio ipsa nos ita docet in Domi-
 no: necessarium esse arbitramur, Constitutiones
 conscribi, quæ iuuent ad melius in via incepta
 diuini obsequij procedendum, iuxta instituti no-
 stri rationem.



Finis & ratio
viuendi So-
cietatis.

In Ex. c. 1. §. 2

2 *Finis huius Societatis est, non solum saluti, & perfectioni propriarum animarum cum diuina gratia vacare: sed cum eadem impense in salutem, & perfectionem proximorum incumbere.*

P. 3. c. 2. lit. G
& P. 6. c. 3. §. 5

3 *Nostræ vocationis est, diuersa loca peragraré, et vitam agere in quauis mundi plaga, ubi maius Dei obsequium, & animarum auxilium speratur.*

In Ex. c. 1. §. 6

4 *Ratio viuendi in exterioribus iustas ob causas, maius Dei obsequium semper intuendo, communis est: nec ullas ordinarias pœnitentias, vel corporis afflictiones ex obligatione subeundas habet: sed illas assumere quiuis poterit, quæ sibi videbuntur cum approbatione Superioris ad maiorem sui spiritus profectum conuenire, et quas propter eundem finem Superiores eis poterunt imponere.*

Sacramento
rum usus &
examen con-
scientiæ.

In Ex. c. 4. §. 4.
41.

5 *Ipso initio sui in Societatem ingressus, debet quisq; generalem totius vitæ confessionem apud aliquem Sacerdotem à Superiore assignatum facere, & post eam sacratissimum Christi domini nostri corpus sumere: & sic sexto quoq; mense, eodem modo generaliter, ab Ultima inchoando, confitebitur.* Et omnes tam Professi, quàm formati Coadiutores semel singulis annis parati esse debe-*

*P. 6. c. 1. §. 2.

CONSTITVTIONVM. 5

debeant ad confessionem generalem, quæ ab vltima generali inchoetur, ei, quem Superior sibi substituerit, faciendam.

6 Utantur quotidie omnes conscientie suæ ex aminatione consueta.* Si Sacerdotes nō fuerint, confiteantur oportet, & sanctissimum sacramentum Eucharistie sumant octauo quoq; die.* & vnus omnium sit confessarius à Superiore constitutus: quod si fieri non poterit, quisq; certè suū stabilem habeat confessarium, cui ipsius conscientia prorsus aperta sit.

P. 3. c. 1. §. 11.
* In Exa c. 4. §. 25.

* P. 3. c. 1. §. 11.

7 Qui autem ali, quàm suo cōfessario designato confiteretur, debet postmodum (quantum recordari poterit) eidem suo confessario totam suā conscientiam aperire, ut nihil ignorando, quod ad eam pertineat, melius in Domino possit eundē iuuare.

P. 3. c. 1. lit. Q
& p. 6. c. 3. §. 2

8 Vnusquisq; eorum, qui Societatem ingrediūtur, consilium illud Christi sequendo: Qui dimiserit patrem, & cæt. existimet sibi patrem, matrem, fratres, & sorores, & quidquid in mundo habebat, relinquendum: immo sibi dictum existimet verbum illud: Qui non odit patrem, & matrem, insuper & animam suam, non potest meus esse discipulus. Et ita curandum ei est, ut omnem carnis affectum erga sanguine iūctos,

Exuendus in ordinatus seculi affectus.
In Ex. c. 4. §. 7.

exuat, ac illum in spiritualem conuertat, eosque diligat eo solum amore, quem ordinata charitas exigit: ut qui mundo, ac proprio amori mortuus Christo domino nostro soli viuit: eumque loco parentum, fratrum, & rerum omnium habet.

Vera sui ab-
negatio.
In Ex. c. 4 §.
8.

9 Ad maiorem in spiritu profectum, & precipue ad maiorem submisionem, & humilitate propriam, contentus esse quisque debet, ut omnes errores, & defectus ipsius, & res quæcunque, quæ notatæ in eo, & obseruatæ fuerint, Superioribus per quenuis, qui extra confessionem eas acceperit, manifestentur.

In Ex. c. 4 §.
8.

10 Boni etiam omnes consulant ab aliis corrigi, & ad aliorum correctionem iuuare, ac manifestare sese inuicem sint parati debito cum amore, & charitate ad maiorem spiritus profectum: præsertim ubi à Superiore, qui illorum curam gerit, fuerit ita præscriptum, aut interrogatum ad maiorem Dei gloriam.

In Ex. c. 4 §.
44.

11 Diligenter animaduertant oportet (magnificiendo, summiq; momenti id esse ducendo in conspectu Creatoris, ac Domini nostri) quanto pere iuuat, ac conferat ad vitæ spiritualis profectum omnino, & non ex parte abhorre ab omnibus, quæ mundus amat, & amplectitur, & admittere, & concupiscere totis viribus quid-
quid

quid Christus Dominus noster amauit, & amplexus est. Quemadmodum enim mundani homines, qui ea, quæ mundi sunt, sequuntur, diligunt, & quarunt magna cum diligentia, honores, scilicet famam, magni nominis existimationem in terra, sicut mundus eos edocet: sic, qui procedunt in spiritu, & serio Christum Dominum nostrum sequuntur, amant, & ardenter exoptant, quæ iis omnino contraria sunt, indui nimirum eadē veste, ac in signibus Domini sui pro ipsius amore, ac reuerentia: adeo, ut si sine offensione vlla diuinæ maiestatis, & absq; proximi peccato foret, vellent contumelias, falsa testimonia, & iniurias pati, ac stulti haberi, & existimari (nulla tamen ad id per eos data occasione) eò quòd exoptant assimilari, ac imitari aliquo modo Creatorem, ac Dominum nostrum IESVM Christum, eiusq; vestibus, & insignibus indui: quandoquidem illa ipse propter maiorem profectum nostrum spirituales induit, nobisq; exemplum dedit, ut in omnibus, quoad eius fieri poterit, diuina gratia aspirante, eum imitari, & sequi, cum vera sit via, quæ ducit homines ad vitam, velimus.

12 Ut melius ad hunc perfectionis gradum in spiritali vita tam pretiosum perueniatur, ma-

In Ex. ca 5. 9.
46.

ius, ac impensius studiū cuiusque sit quærere in Dño maiorem sui abnegationē, & cōtinuam in rebus omnibus, quoad poterit mortificationem.

In Ex. c. 4. §. 28.

13 In exercendis officiis abiectis, & humili-
bus, promptius ea suscipi conuenit, à quibus sen-
sus magis abhorrebit: siquidem iniunctum fue-
rit, ut in eis se exerceat.

Par. 3. c. 1. §. 13.

14 Anteuertere oportet tentationes, adhibitis earum contrariis: ut cū quis animaduertitur ad superbiam esse propensus, exerceri is debet in rebus abiectioribus, quæ ad humiliādum ipsum viiles futuræ videantur: & sic de aliis prauis animæ propensionibus.

Perfectionis, solidarū que virtutū studiū.
Par. 6. ca. 1. §. 1.

15 Omnes constanti animo incumbamus, ut nihil perfectionis, quod diuina gratia consequi possimus in absoluta omnium Constitutionum obseruatione, nostriq; instituti peculiari ratione adimplenda, prætermittamus.

Par. 10. §. 2.

* 16 Omnes, qui se Societati addixerunt, in virtutum solidarum, ac perfectarum, & spiritualium rerum studiū incumbant: ac in huiusmodi maius momentum, quàm in doctrina, vel aliis donis naturalibus, & humanis constitutum esse ducant. Illa enim interiora sunt, ex quibus efficaciam ad exteriora permanere ad finem nobis propositum oportet.

CONSTITVTIONVM. 9

17 Omnes rectam habere intentionē studeant, non solum circa vitæ suæ statum, verum etiam Par. 3. c. 1. § 26. circa res omnes particulares: id semper in eis syncerè spectantes, ut seruiant, & placeant diuinæ bonitati propter seipsam, & propter charitatē, & eximia beneficia, quibus præuenit nos, potius, quàm ob timorem pœnarum, vel spē præmiorum (quanuis hinc etiam iuuari debeant) & in omnibus quærant Deum, exuētes se, quantum fieri potest, amore omnium creaturarum, ut affectum vniuersum in ipsarum Creatorem conferant, eum in omnibus creaturis amando, & omnes in eo, iuxta sanctissimam, ac diuinam ipsius voluntatem.

18 In concionibus domesticis de iis crebrò tractent, quæ ad sui abnegationem, & in virtutibus profectum, & omnimodam perfectionem attinent: ad ea se inuicem exhortando, & præcipuè ad vñionem, & charitatem fraternam. Par. 3. c. 1. § 21.

19 Magnopere conferet deuotè, quoad fieri poterit, ea munera obire, in quibus magis exercetur humilitas, & charitas. Et in vniuersum loquendo, quantum aliquis se arctius Deo anstrinxerit, & liberaliorem erga summam maiestatem se præstiterit, tantò eum in se liberaliorem etià experietur, & ipse in dies magis idoneus erit Par. 3. c. 1. § 22.

ad gratias & dona spiritualia vberiora recipienda.

Par. 5. ca. 4.
§. 5. & in Ex.
c. 6. §. 5. & 6.
Cura interioris
hominis.

20 Postquam aliquis in corpus Societatis cooptatus fuerit in aliquo gradu, ad alium progredi curare non debet: sed in suo perfici, & obsequio Dei, & gloriæ sese impendere.

Par. 3. c. 1. §.
20. & Part. 4.
c. 4. §. 3. & 4.

21 Omnes suum tempus rebus spiritualibus impendant, & deuotioni quærendæ pro mensura gratiæ Dei ipsis communicatæ insistant.

* Par. 3. c. 3. §.
10.

* 22 Ab illusionibus dæmonis in suis spiritualibus exercitationibus caueant, & se contra omnes tentationes tueantur: simul rationes sciant, quæ adhiberi possint, ut eas superent: & ad veras, solidasq; virtutes consequendas insistant: siue plures adsint visitationes spirituales, siue pauciores: curent verò semper in via diuini seruitij progressum facere.

Paupertas
Par. 6. cap. 2.
§. 1.

23 Paupertas, ut murus religionis firmus, diligenda, & in sua puritate conseruanda est, quantum diuina gratia aspirante fieri poterit.

Pa. 3. c. 1. §. 25.

24 Diligent omnes paupertatem, ut matrem, & iuxta mensuram sanctæ discretionis suis temporibus eius effectus aliquos experiantur: * nullaq; re tanquam propria vtantur: * paratiq; sint

* Ibid. §. 7.

* Par. 6. ca. 2.
§. 10.

ad mendicandum ostiatim, quando vel obedientia, vel necessitas id exiget.

25 *Victus, vestitus, & lectiratio erit vt pauperibus accomodata: & vnusquisque sibi persuadeat, quòd quæ vilissima erunt ex iis, quæ domi sunt, ei tribuentur, propter ipsius maiorem abnegationem, et spiritualem profectum.*

In Ex. c. 4. §. 26.

26 *Intelligent omnes, quòd mutuò dare, vel accipere, vel dispensare quidquam de iis, quæ domi sunt, minimè possunt, nisi Superior conscius consensum præstiterit.*

P. 3. c. 1. §. 8.

27 *Omnes, qui sub obedientia sunt Societatis, meminerint se gratis dare debere, quæ gratis acceperunt, nec postulando, nec admittendo stipendium, vel eleemosynas ullas, quibus Missæ, vel confessiones, vel prædicationes, vel quoduis aliud officium ex iis, quæ Societas iuxta nostrum institutum exercere potest, compensari videatur: vt sic maiori cum libertate possit, & proximorū ædificatione in diuino seruitio procedere.*

P. 6. c. 2. §. 7. & in Exa. c. 1. §. 3.

28 *Quæ ad votum castitatis pertinet, interpretatione non indigent, cum constet, quàm sit perfecte obseruanda, nempe enitendo angelicam puritatem imitari, & corporis, & mentis nostræ munditiæ.*

Castitas. sensumque custodia. P. 6. c. 1. §. 1.

* 29 *Omnes diligentissimè curent portas sensuum suorum (oculorum præcipuè, aurium, & lingue) ab omni inordinatione custodire, ac se*

P. 3. c. 1. §. 4.

in pace, & vera humilitate interna conseruare, & eam in silētio, cū id obseruandum est, cū autem loquendum in circumspectiōe, & ædificatione verborum, & modestia vultus, ac maturitate incessus, motuumq; omniū, sine vllō impatientiæ, aut superbiæ signo exhibere: in omnibus procurando, atq; optando potiores partes aliis deferre, omnes in animo suo tanquam sibi superiores ducendo, & exterius honorem, ac reuerentiam, quam exigit cuiusq; status, cum simplicitate, & moderatione religiosa exhibendo: atq; ita fiat, vt se mutuò considerantes in deuotione crescant, Deumq; dominum nostrum laudent, quem quisque in alio, vt in illius imagine, agnoscere studeat.

Par. 3. c. 1. §. 5. 30 In refectiōe corporis curandū est, vt temperantia, modestia, & decētia interiūs, & exterius in omnibus obseruetur. Præmittatur benedictiō, & sequatur actiō gratiarum: quas omnes agere debent cum ea, qua par est, deuotione, & reuerentia. Et dum corpus edendo reficitur, sua etiam animæ refectiō præbeatur.

Ob: diētia.
P. 3. c. 1. §. 23.

31 Expedit in primis ad profectum, & valde necessarium est, vt omnes perfectæ obediētiæ se dedant: Superiorem (quicunque ille sit) loco Christi domini nostri agnoscētes, & interna

reue-

reuerentia, & amore eum prosequentes: nec solum in exequutione, externa eorum, quæ iniungit, integrè, promptè, fortiter, & cum humilitate debita, sine excusationibus, & obmurmurationibus obediant: licet difficilia, & secundum sensualitatem repugnantia iubeat: verùm etiam contentur, interiùs resignationem, & veram abnegationem propriæ voluntatis, & iudicij habere: voluntatem, ac iudicium suum, cum eo, quod Superior vult, & sentit in omnibus rebus (vbi peccatum non cerneretur) omnino conformantes, proposita sibi voluntate, ac iudicio Superioris, pro regula suæ voluntatis, & iudicij: quò exactiùs conformentur primæ, ac summæ regulæ omnis bonæ voluntatis, & iudicij, quæ est æterna bonitas, & sapientia.

32 Liberam sui ipsorum, rerumq; suarum dispositionem omnes cum vera obedientia Superiori relinquunt, nihil ei clausum, ne conscientiam quidem propriam tenendo, non repugnando, nõ contradicendo, nec vlla ratione iudicium proprium ipsius iudicio contrarium demonstrando: vt per vnionem eiusdem sententiæ, & voluntatis, atque per debitam submissionem meliùs in diuino obsequio conseruentur, & progrediantur.

33 Omnes obedientiam plurimùm obseruare,

Et in ea excellere studeant : nec solum in rebus obligatoriis, sed etiam in aliis : licet nihil aliud, quam signum voluntatis Superioris sine ullo expresso precepto videretur. Versari autem debet ob oculos Deus creator, ac dominus noster, propter quem homini obedientia præstatur : Et ut in spiritu amoris, et non cum perturbatione timoris procedatur, curandum est.

PAR. 6. c. 1. §. 1. 34 *Ad Superioris vocem perinde, ac si à Christo domino egrederetur, quam promptissimi sumus, ut quavis, atque adeo litera à nobis inchoata, nec dum perfecta, relicta.*

PAR. 6. c. 1. §. 1. 35 *Ad eum scopum vires omnes, ac intentionem in Domino conuertamus, ut sancta obedientia tum in executione, tum in voluntate, tum in intellectu sit in nobis semper omni ex parte perfecta: cum magna celeritate, spirituali gaudio, et perseverantia quidquid nobis iniunctum fuerit, obeundo: omnia iusta esse nobis persuadendo: omnem sententiam, ac iudicium nostrum contrarium cæca quadam obedientia abnegando.*

P. 6. c. 1. §. 1. 39 *Quisque sibi persuadeat, quod, qui sub obedientia viuunt, se ferri, ac regi à diuina providentia per Superiores suos sinere debent perinde, ac si cadauer essent, quod quoquò versus ferri, et quacunque ratione tractari se sinunt: vel simili-*

ter,

ter, atque senis baculus, qui vbiunque, & quacunque in re velit eo vti, qui eum manu tenet, ei inseruit.

37 Adimplere quisque debet quasuis poenitentias, quæ propter defectus, & negligentiam suam^{In Ex.c. 4. 22.}
vel quiduis aliud fuerint iniunctæ: * Poenitentias verò huiusmodi prompta voluntate admittere deberet cum vero emendationis, & spiritualis profectus desiderio, etiam si propter defectum non culpabilem iniungerentur.^{Par. 3. ca. 1. 6. 15.}

38 Cum aliquis ad ministeria culinæ obeunda ingreditur, vel ad eum iuuadum, qui coquus est, eidem obedire cum magna humilitate, in rebus omnibus ad ipsius officium pertinetibus debet.^{In Ex.c. 4. 6. 29.}
* Atque valde necessarium est, ut omnes non solum Superiori Societatis, vel Domus, sed etiam subordinatis officialibus, qui ex illo auctoritatem acceperunt, obediant: & assuescant non intueri, quis ille sit, cui obediunt, sed potius quis ille, propter quem, & cui in omnibus obediunt, qui est Christus Dominus.^{* Par. 3. c. 1. 4. 24.}

39 Si aliquis ex iis, qui domi sunt, cuiquam scriberet, non nisi obtenta facultate, & literis ei ostensis, quem Superior destinauerit, id faciet.^{Part 3. cap. 1. lit. B. & in Ex.c. 4. 6. 6.}
Si ad eundem literæ miterentur, ei primò reddentur, qui à Superiore fuerit constitutus: qui

cas lectas reddet, aut non reddet illi, ad quæ sunt destinata, prout in Domino expedire ad maius ipsius bonum, & Dei gloriam existimabit.

Reddēda sui
ratio.
In Ex. c. 4. §.
36.

40 Quicumque hanc Societatem in Domino se
qui vult, & in eadem ad maiorem Dei gloriam
manere sub sigillo confessionis, vel secreti, vel
quacunque ratione ei placuerit, & ad maiorem
ipsius consolationem fuerit, debet conscientiam
suam magna cum humilitate, puritate, & chari-
tate manifestare, re nulla, qua Dominum uni-
versorum offenderit, celata: & totius antea-
vitæ rationem integram, vel certè rerum maio-
ris momenti Superiori, qui tum fuerit, Societa-
tis, vel cui ex Præpositis, vel aliis ex inferioribus
ille iniungeret, prout magis conuenire videretur,
reddat: & sexto quoque mense rationem hanc
sui, ab vltima, quam reddiderit, incipiendo quis-
que reddet.* Sic etiam videtur, quòd Coadiuto-
res formati, & Professi singulis annis, vel cre-
brius, si Superiori videbitur, suæ conscientie ra-
tionem dicto modo ei reddant.

* Ibidem §.
40. & Par. 6.
c. 1. §. 2.

Par. 3. ca. 1. §.
12.

41 Nullam debent celare tentationem, quam
Præfecto rerum spiritualium, vel confessorio,
vel Superiori non aperiant: immò verò totā ani-
mam suam illis integrè manifestam esse pergra-
tum habeant: nec solum defectus aperiant, sed

etiam

etiam pœnitentias, vel mortificationes, ac virtutes omnes, voluntate pura optantes ab illis dirigi, sicubi à rectitudine deflecterent, nolentes suo proprio sensu duci, nisi conueniat cum iudicio illorum, quos Christi Domini nostri loco habent.

42 Idem sapiamus, idem, quoad eius fieri possit, dicamus omnes, iuxta Apostolum. Doctrinæ igitur differentes non admittantur, nec verbo in concionibus, vel lectionibus publicis, nec scriptis libris (qui quidem ediri non paterunt in lucem sine approbatione, atque consensu Præpositi generalis.) immo & iudiciorum de rebus agendis diuersitas, quæ mater esse solet discordiæ, & inimica vniõis voluntatum, quantum fieri potest, euitari debet. Vnio verò, & conformitas mutua diligentissimè curanda est, nec quæ ei aduersantur, permittenda: quò iuncti inuicem fraternæ charitatis vinculo, melius, & efficacius possint se diuino obsequio, & auxilio proximorum impendere.

Vnio & conformitas mutua.
Par. 3. c. 1. §. 18.

43 In Societate nec sit, nec sentiatur animorū propensio ad partem alterutram factionis, quæ esset fortassis inter principes, vel dominos Christianos: sed sit potius quidam vniuersalis amor, qui partes omnes (licet sibi inuicem contrariæ sint) in Domino nostro amplectatur.

Par. 10. §. 12.

Otium & secularia negotia vitanda.

Par. 3. c. 1. §.

5.

* Part. 5. c. 3.

§. 7.

Ratio habenda valetudinis.

Par. 3. c. 2. §. 1.

44 Omnes quandiu corpore bene valent, in spiritualibus, vel exterioribus rebus habeant, in quo occupentur, ne otium malorum omnium origo, quoad eius fieri possit, domi nostræ locum habeat.

* 45 Ut plenius possit Societas rebus Spiritualibus iuxta suum institutum vacare, quoad eius fieri poterit, à negotiis secularibus abstineat: quæ sunt testamentariorum, vel executorum, vel procuratorum rerum civilium, aut id genus officia, nec ea ullis præcibus adducti obeunda suscipiant, vel in illis se occupari sinant.

46 Ut nimia sollicitudo in iis, quæ ad corpus pertinent, reprehensibilis est: ita cura moderata tuenda ad diuinum obsequium valetudinis, ac virium corporis, laude digna, & ab omnibus adhibenda est: & ea de causa cum animaduertent aliquid sibi nocere, vel aliquid aliud necessariū esse circa victum, vestitum, habitationē, officium, aut exercitationem, & sic de aliis rebus, admoneant omnes ea de re Superiorem, vel quæ ad id Superior constituerit. duo interim obseruantes: Primum, ut antequam ad eum quid referant, se ad orandum recipiant, & post orationē si senserint rem deferendam ad Superiorem, id faciant: Alterū, ut cum verbo, aut scripto breui

ne

(ne excidat memoria) Superiori rem exposuerint, ei totam curam rei expositæ relinquant: & quidquid ille statuerit, optimum ducant: nec contendere, aut vrgere per se, vel alium (siue concedatur quod petitur, siue non) pergant: quandoquidem sibi persuadere debent, id magis expedire ad diuinum obsequium, ac suum maius bonum, quod Superiori, re intellecta, in Domino visum fuerit.

47 Vt non expedit tanto labore corporali quæ P. 3. c. 2. §. 4. quam onerari, vt spiritus obruatur, & corpus detrimentum patiatur: ita aliqua corporalis exercitatio, quæ vtrumq; inuet, omnibus communiter conuenit, etiam illis, qui mentalibus exercitiis debent insistere: quæ quidem externis interrumpi deberent, & non continuari, nec sine mensura discretionis assumi.

48 Corporis castigatio immoderata esse non P. 3. c. 2. §. 5. debet, nec indiscreta in vigiliis, & abstinentiis, & aliis pœnitentiis externis, ac laboribus, quæ & nocumentum asferre, & maiora bona impedire solent. Ideo suo confessario detegi ab vnoquoque conuenit, quidquid in hac parte faciat.

49 Aegritudinis tempore non solum obser- In Ex. c. 4. §. 32. uare vnusquisq; obedientiam magna cum puritate debet erga Superiores spirituales, vt ipsius

animam regant: sed cum eadem humilitate erga Medicos corporales, & Infirmarios, ut corpus eius regant.

In Ex. c. 4. §.
32.

50 Qui egrotat humilitatem, & patientiam suam præ se ferendo, non minorem ædificationem, dū morbo laborat, iis, qui ipsum inuident, & cum eo versabuntur, & agent, quàm dum valet corpore, ad maiorem Dei gloriam præstare curet, * verbis piis, & ad ædificationem facientibus utendo, quæ ostendant ægritudinem acceptari, ut donum de manu Creatoris, ac Domini nostri: quandoquidem non minus donum est, quàm sanitas.

Constitutio-
nes, ac regu-
læ obseruan-
dæ.
P. 3. c. 1. §. 28.

51 Aliquoties singulis annis omnes à Superiore sibi pœnitentias iniungi propter defectum observationis Regularum petant: ut hæc cura indicium sit illius, quam de suo profectu spiritali in via Dei quisq; habet.

P. 10. §. 13.

52 Omnes demum observationi Constitutionum studeant: ad quam easdem scire saltem, quæ ad quenlibet pertinent, necesse est.

Quare legere, vel audire easdem
singulis mensibus o-
portebit.

REGVLÆ COMMVNES.

1 **S**inguli præfinitum sibi tempus suæ confessionis, meditationi, lectioni; impendant cum omni diligentia in Domino.

Quæ quisq;
erga se ser-
uare debeat
P. 4. c. 4. §. 3.
P. 4. c. 4. §. 3.
& 4.

2 Omnes quotidie sacro decenter intersint: & concionem, lectionem uel sacram, cum in templo nostro habebitur, audiant.

P. 4. c. 4. §. 3.
& 4.

3 Singuli statuto die, & assignato sibi confessorio confiteantur, & non alteri sine Superioris facultate.

P. 1. c. 1. §. 11.
& p. 6. c. 3. §. 2.
& in Bul. 3.
Pauli III.

* 4 Omnes, qui Professi, aut formati Coadiutores non sunt, bis in anno sua vota renouabunt, præmissa confessione generali: quo tempore ratione suæ conscientiae reddent, & quoties etiam Superiori visum fuerit, iuxta morem Societatis.

* P. 4. c. 4. §. 6.
& c. 10. §. 5. & 6.
par. 5. c. 4. §. 6.
& Ex. c. 4. §. 38. & 41.

5 In abstinentia sextæ feriæ Societatis consuetudo seruetur.

6 Nullus mortificationem publicè faciat, nec concionetur, nisi Superiore approbante.

7 Nemo pecuniam apud se habeat: apud aliū verò, nec pecuniam, nec quicquam aliud.

In Ex. c. 4. §. 4.

8 Libros nemo habeat sine facultate: * in iis verò, quibus vtiliter, nec scribat quicquam, nec notam ullam imprimat.

* Part. 4. c. 6. lit. G.

9 Nemo rem ullam ex domo, vel ex alterius cubiculo sibi usurpet, aut ab externo, quouis modo sibi, aut ali accipiat, sine Superioris licentia.

10 Ad maiorem unionem eorum, qui in Societate viuunt; maiusq; auxilium eorum, apud quos habitant, singuli addiscant eius regionis linguam, in qua resident, nisi fortè ipsorum natia illic esset uiliior.*
* Par. 4. c. 6. §. 13. salua tamen Latini sermonis lege, in iis, qui literis dant operam.

11 Nullus ita cubiculum suum claudat, quin aperiri extrinsecus possit: aut arcam, seu quicquam aliud habeat obseratum absque Superioris facultate.

12 Aperta fenestra nemo noctu dormiat,
* P. 3. c. 2 li. E nec sine indusio, aut non coopertus.

13 Nemo cubiculo egrediatur, nisi decenter vestitus.

In Ex. c. 6. §. 6 14 Nemo eorum, qui ad domestica ministeria admittuntur, aut legere discat, aut scribere: aut si aliquid scit, plus literarum addiscat: nec quisquam eum doceat, sine Præpositi generalis facultate: sed satis ei erit sancta cum simplicitate, & humilitate Christo domino nostro seruire.

P. 4. c. 30 §. 9 15 Signo campanæ constitutis horis audito, omnes statim, vel imperfecta litera relictæ, ad id, ad quod vocantur, se conferant.

16 Vt consulatur valetudini, nemo extra consueta tempora bibat, nec extra domum cibum sumat absque facultate Superioris.

17 Qui male se habere præter solitum senserit, id Infirmario, vel Præfecto sanitatis, aut Superiori referat: nemo vero medicinam ullam accipiat, aut medicum eligat, vel consulat, nisi approbante Superiore.

Par. 3. c. 2. §. 6.

18 Singuli, etiam si sacerdotes sint, cum primum surgunt, lectum operiant, eumque, et reliqua componant hora consueta, et scopis cubiculum verrant tertio saltem quoque die, exceptis iis, qui ob occupationes maioris momenti, aut valetudinis causa, iudicio Superioris subleuandi sunt.

19 Mundities, quæ et ad valetudinem, et ad ædificationem confert, omnibus curæ sit, tam circa se ipsos, quam circa alia omnia.

20 Qui grauem tentationem alicuius nouerit, Superiorem admoneat, ut ei ipse, pro paternâ in suos curâ, ac providentiâ, conuenienti remedio possit occurrere.

Seruanda et
ga Superio-
res.

21 Quæ à Superioribus circa administrationem agenda sunt, nemo curiosè ab aliis exquirat, aut coniecturam facièdo de iis sermonem miscat: sed unusquisque sibi, ac muneri suo atten-

dens, quicquid de se, atq; aliis constituendū erit, tanquam de manu Dei expectet.

22 Omnes caput aperiunt suis Superioribus, & Sacerdotibus ij, qui Sacerdotes non sunt: discipuli etiam suis præceptoribus. Vnusquisq; autē Superiores alloquatur magna cum reuerentia: is verò, quem Superior alloquitur, aut reprehendit, humiliter, & sine interpellatione audiat.

23 Si cui à Superiore denegatum aliquid fuerit, alium Superiorem ne adeat super ea re, quin ei aperiat, quid sibi ab alio fuerit responsum, & quas ob causas negatum.

24 Cui fuerit alicuius rei cura commissæ, si impedimentum aliquod interuenerit, maturè ad moneat aliquem ex Superioribus, vt provideat.

25 Nemo cum ex vno loco in alium profiscitur, quicquam secum asportet sine facultate Superioris.

Seruanda er-
ga domici-
cos.

26 Extratempora recreationi assignata, hac ratione silentium seruandū est, vt nemo loquatur, nisi obiter, & per paucis, aut de rebus necessariis, præsertim in ecclesia, sacristia, & refectorio: in Missa verò, cōcione, mensa, lectionibus, et disputationibus, si quid priuatim dicere necesse erit, breuissimè, & submissa voce suggeratur.

Par. i. c. 4. 6.
4. & lit. A.

27 Nemo præter eos, qui à Superiore deputati fue-

ti fuerint, loquatur cum iis, qui in prima probatione versantur. Excipiuntur tamen visitatæ salutaciones, quas cum alijs alijs obuij fiunt, charitas religiosa exigit.

28 Omnes demissa voce, ut religiosos decet, loquantur: nullusq; cum alio contendat: sed, si qua in re nobis est diuersa sententia, eaq; videtur manifestanda, rationes modeste, & cum charitate afferantur, eo animo, ut suus veritati sit locus, non ut in ea re Superiores videantur.

29 Qui facultate accepta agrotos inuisent, non solum demissa voce loquantur, sed tanta etiam moderatione, ut illis molesti non sint, atq; de iis agant, quæ & exhilarare, & consolari agrotos, circumstantesq; edificare in Dño possint.

30 Caueant sibi omnes ab illo affectu, quo alia de alijs nationibus sinistrè sentire, aut loqui Par. 10. §. 11. solent: quin potius & bene sentiant & peculiari affectu diuersas à sua nationes prosequantur in Dño: ac proinde nemo bella contentionesue inter Christianos principes in colloquiū inducat.

31 Nemo præter eos, quibus per Superiorem licet, quicquam alijs iubeat, aliosue reprehendat.

32 In alterius officium nemo se ingerat: in Par. 4 c. 10. §. 6. locum verò alieno ministerio deputatū nullus,

ingrediatur sine facultate Superioris, aut Præfeti illius loci, in rebus necessariis.

Par. 3. c. 1. li.
ca. D.

33 Nemo in alienum cubiculum ingrediatur sine generali, aut speciali Superioris facultate: quòd si aliquis intus sit, non priùs aperiat ostiũ quàm post pulsus audiat, ingredi: & tandiu aperta sit ianua, quaudiu intus vnà fuerint.

34 Vt ea, quæ religiosos decet, grauitas, & modestia retineatur, nemo alium etiam ioco tãgat, præterquam in signum charitatis amplexando, cùm quis, aut abit, aut redit peregre.

35 Nemo, dum mensæ accumbit, cuiquam ex nostris, præterquam ei Superiori, qui præest toti Domui, aut Collegio, caput aperiat. Et cùm aliquid in mensa cuiquam deest, is, qui illi assidet, admoneat eum, qui ministrat.

Servanda erga extraneos
& cum foras
eundum est.

36 Domi nemo loquatur cum externis, aut alios ad id uocet sine facultate generali, aut particulari Superioris.

37 Nemo cuiusquam externi ad domesticũ, aut domestici ad externum mandata deferat, aut literas, inscio Superiore: seculares autem rumores, qui foris audiuntur, ne temere, & sine fructu narrentur.

38 Nemo quæ domi acta, vel agenda sunt, externis referat: nisi Superiori id probari intelligat.

gat. Cōstitutiones verò, aliosue huiusmodi libros, aut scripta, quibus Societatis institutum, vel privilegia continentur, non, nisi ex Superioris expresso consensu, iis communicet.

39 Nemo scriptas dabit, aut mittet cuiquā externo, vel domestico instructiones spirituales, aut meditationes, nec exercitia spiritualia Societatis alicui communicabit: nisi à Superiore id approbetur.

40 Nemo ab externis consilium petat sine facultate Superioris.

41 Nemo cuiusquam negotij, etiam piij, sine facultate Superioris curam suscipiat, nec ad id operam suam promittat, aut se propensum ostēdat: secularia verò negotia, ut quæ sunt à nostro instituto aliena, & vehementer à spiritualibus auocant, multò magis auersari conuenit.

P. 6. c. 3. §. 7.
& par. 9. c. 6.
§. 4.

42 Omnes, pro ratione sui gradus, data cōmoda occasione, enitatur pijs colloquijs proximū ad meliora promouere: & consilio, ac exhortatione ad bona opera, præsertim ad cōfessionē excitare.

P. 7. c. 4. §. 8.
& in Ex. c. 6.
§. 4.

43 Nullus domo egrediatur, nisi quando, & cum quo socio Superiori visum fuerit.

P. 3. c. 1. §. 3 &
in Ex. c. 4. §.
25.

44 Cum quis facultatem à Superiore petit aliquò cundi, simul etiam aperiat, quò, & cuius rei causare velit: præsertim si Prælati, aut alius

Vir primarius conueniendus sit: eademq; die referat eidē, quid egerit, sicut ipsum velle intelliget, & res postulauerit.

45 Ingressuri, egressuriue domo, tintinnabulū nec vehementius, nec crebrius pulsent, quā par est. Nemo autem nisi consueta domus ianua egrediatur, vel ingrediatur.

46 Qui domo egrediūtur, signabunt sua nomina, quæ prope ostium domus in tabula descripta sunt, et admonebūt ianitorē, quò sint profecturi.

47 Omnes ante noctem, qui foris sunt, se domum recipiant, nec egredientur ante lucem sine facultate Praepositi, vel Rectoris.

48 Cū quis iter faciens transit per locū, vbi Domus, aut Collegium Societatis sit, ad aliud hospitium ne diuertat, * eiusq; qui illic præest, obedientiæ subsit in omnibus, sicut & reliqui, qui in eadem Domo, vel Collegio commorantur. Quòd si quis etiam ad negotia tractanda venerit, ea nō nisi ex eiusdē cōsilio, ac directione tractabit.

49 Singuli has Regulas, & officiorum suorū habeāt, atq; intelligāt, sibiq; faciant familiares, ac earū memoriam mēsis singulis eis legēdis, vel audiēdis renouent: * qui tamē peculiaria ministeria Coadiutorū obeūt, eas, quæ ad ipsorum officia pertinent, singulis hebdomadis repetant.

REGV-

* Can. 13.
Coadg. 3.

* Par. 4. c. 10
lit. F.

R E G V L A E

M O D E S T I Æ.

I



N conuersatione nostrorū P.3.c.1.4.4.

illud in vniuersum dici potest, vt in omnibus externis actionibus appareat in nostris modestia, & humilitas coniuncta cum reli-

giosa maturitate: speciatim autem hæc obseruanda erunt.

2 Caput huc illuc leuiter non moueatnr, sed cum grauitate, vbi opus erit: & si opus non sit, teneatur rectum cum moderata inflexione in partem anteriorem, ad neutrum latus deflectendo.

3 Oculos demissos, vt plurimum, teneant, nec immoderatè eos eleuando, nec in hanc, aut illam partem circumspectendo.

4 Inter loquendum cum hominibus, præsertim alicuius autoritatis, non defigatur aspectus in eorum vultus, sed potiùs sub oculos.

5 Rugæ in fronte, ac multò magis in naso, euitentur: vt serenitas exterius cernatur, quæ interioris sit indicium.

6 Labia nec nimis compressa, nec nimium ducta.

7 Tota facies hilaritatē potius præ se ferat, quàm tristitiam, aut alium minus moderatum affectum.

8 Vestes sint munda, & cum religiosa decen-
tia composita.

9 Manus, si non in sustinenda veste occupen-
tur, decenter quietæ teneantur.

10 Incessus sit moderatus sine notabili festi-
natione, nisi necessitas urgeret: in qua tamen,
quantum poterit, decoris ratio habeatur.

11 Omnes deniq; gestus, ac motus eiusmodi
sint, qui apud omnes ædificationem pariant.

12 Si plures simul erunt, ordinem præscriptū
à Superiore, bini, vel terni incedendo, seruent.

13 Si loquendum fuerit, meminerint mo-
destiæ, & ædificationis, tum in ver-
bis, tum in ratione, ac mo-
do loquendi.

IN-

INSTRVCTIO

AD REDDENDAM CON-

scientiæ rationem, iuxta morem
Societatis.



Intelligent singuli, dum ra-
tionem conscientiæ sunt red-
dituri, quanti momenti Pa-
ter noster sanctæ memoriæ
Ignatius id duxerit, ad maio-
rem Diuinæ bonitatis gloriā.

Ut subditi magis in spiritu cum gratia vberiori
proficiant, ac tantò maiore cum diligentia amo-
re, & solitudine iuuari, & à periculis conser-
uari possint, ut, quæ * in Examine, & Constitu-
tionibus toties commendantur, & §. 40. sum-
marij Constitutionum præscribuntur, de reddendā
ratione conscientiæ, exactè seruentur. Proin-
de vnusquisq; magna cum puritate, sub sigillo
confessionis, aut secreti, aut quacunque ratione
ei placuerit, & ad maiorem ipsius consolationē
fuerit, totam animam suam integrè manife-
stam faciat, nullam rem celando, qua Dominum
vniuersorum offenderit, post vltimam ratio-
nem redditam conscientiæ: vel certè aperiat eos
defe-

* In Ex. c. 4.
34. & seq. &
P. 4. c. 10. §. 5.
& P. 6. c. 1. §. 2.

defectus, qui magis ob eo tempore grauât ipsius animam.

Capita verò, quibus conscientia ratio reddi debet, hæc ferè erunt: ex quibus, cum ea retulerint, quæ ad plenam sui manifestationem dicenda putauerint, petant à Superiore, ut eos interrogando iuuèt, ac suppleat, si quid esse iudicet, quod ad maiorem Dei gloriam, & suorum notitiam scire velit.

1 An viuat contentus iuxta suam vocationē.

2 Quomodo se habeat circa obedientiam etiā intellectus, paupertatem, castitatem, & vsum aliarum virtutum, & quarum præcipuè studio intentus sit.

3 An sentiat aliquas animi perturbationes, aut tentationes molestas, & de facilitate, seu difficultate, & modo eis resistendi, & ad quos affectus, vel peccata sit magis propensus, & incitatus.

4 An contra Constitutiones, vel Regulam aliquam, vel ordinationem Superiorum firmum iudicium habuerit, vel contra eam disputa-uerit.

5 Quid sentiat de ipso instituto Societatis, & mediis, quibus illa vitur ad suum finē consequendum et quem experiatur in se zelum animarū.

6 Quo-

6 Quomodo spiritualibus rebus sit affectus, quantum temporis orationi tribuat, & num vocali, an potius mentali iuuetur, & utri plus temporis tribuat, & quem modum in oratio teneat.

7 Num in usu rerum spiritualium consolationem & deuotionem habeat, an verò contrà desolationem, ariditatem, & vagationem animi patiatur, & quomodo in iis se gerat.

8 De fructu, quem ex communione, cōfessione, examine, præsertim particulari, & aliis exercitiis spiritualibus percipiat.

9 Num post ultimam rationem conscientia, quam reddidit, maiorem, an minorem fructum fecerit, & quem animum experiatur ad perfectionem consequendam.

10 Quomodo obseruet, quæ ex Constitutionibus, & regulis tum communibus, tum officij sui ad eum pertinent.

11 De mortificationibus poenitentiis, & aliis exercitationibus, quæ faciunt ad spiritus profectum: & in specie de præparatione ad iniurias, & ad alia, quæ ad Christi crucem pertinent, ferenda, atque de eorum desiderio.

12 De sociis, & quomodo ex eorum conuersatione proficiat in Domino, & an alicui plus sit familiaris, quàm aliis;

13 *An auersionem animi sentiat ab aliquo, et an offensus sit in aliquo à Superioribus, vel officialibus, vel quauis alia persona, & quomodo sit affectus erga Superiores.*

14 *Antentationes aliquas sit passus, quas alij intellexerint, præsertim circa vocationem.*

REGV-

REGVLÆ PEREGRINORVM.

I



Ersuadeant sibi, peregrinationis finem non tam esse corporis defatigationem, & vt multum iter conficiant, quàm vt ex ea fructum aliquem spirituales percipiant: atq; ex eo

fine, & iter ipsum, & ceteros peregrinationis labores moderentur.

2 Litanias simul omnes quotidie in ipso itineris ingressu, vel Itinerarium dicant: nec orationem, & consuetudina examina prætermittant, et alias etiam Regulas obseruent, quantum ratio itineris permittet.

3 Studeant frequenti oratione, & meditatione comitem itineris sibi Christum facere: et colloquiis interdum piis, & religiosis, ac lectione alicuius libri pijs molestias itineris leuare poterunt. Quod si cum externis in via, aut in hospitibus egerint, meminerint pro ratione sui gradus, habitatione temporis, & personarum, sermones de rebus spiritualibus inducere, et fructum aliquem, quoad poterunt, efficere.

In Ex. c. 4. §.
2.

4 Eleemosynas simpliciter pro Christi amore petant: ut omni spe illa abiecta, quam in pecuniis, & rebus creatis habere possunt, integrè, vera cum fide, & ardenti amore eam in suo Creatore, ac Domino cōstituant: memores, à Christo Domino Apostolos sine sacculo, & pera missos: ipsum etiam Dominum nō habuisse, ubi caput suū reclinaret.

In Ex. c. 4. §.
12. & 26.

5 Indigentia, & penuria rerum corpori necessariarum probari exoptent, ut an incommoditatem cibi, somniū capiendi libenter assuefiant: *iniurias verò, illusiones, & opprobria, quæ illis in itinere inferri contigerit, patienter cum Dei gratia ferant gaudeantque, materiam præberi sibi imitandi aliquo modo Christum Dominum, eiusque vestibus, atque insignibus seipsos induendi.

* Ibidem. §.
44.

6 Qui maioribus pollent ad viam peragendam viribus, eos, qui sunt infirmiores, subsequi, & nō præcedere debent: & iter cuiusque diei horum debiliū infirmitate commensuretur: quòd si quis viribus destitueretur, iumento, aut alia ratione iuuari debet: qua in re non qualitatis personarum, sed necessitatis, & charitatis fraternæ ratio est habenda.

7 Si quis in morbum incideret, ita ut ulterius
pro.

progredi non posset, nec expediret reliquosibi moram trahere, si vicinum esset Collegium, aut Domus Societatis, eò esset ager (si modò morbus patiatur) deducendus; alioqui aliquis ex nostris illi erit socius relinquendus, ut consolationi ei sit, et auxilio: agro autem viribus restituto, cœptum iter ambo prosequuntur.

8 Si in via ab honesto, & pio amico inuitarentur, posset, qui præest, hospitalitatis beneficiũ admittere: tunc autem curare debent verbis, & religioso exemplo hospites ædificatos in Domino relinquere.

9 Eiusdem ædificationis, & exempli in omnibus hospitibus meminisse debent: sobrietatis etiam in mensa, & modestiæ in conuersatione nunquã obliuiscantur.

10 Cũ in itinere ad Collegia, vel Domos Societatis diuertent, studeant omnes bonum ædificationis odorem exemplo vitæ, ac morum nostris relinquere. De rebus verò, aut personis aliorũ Collegiorum, aut Domorum nihil loquantur, aut tractent, nisi ad ædificationem.

11 Si transferint per locũ, ubi Domus, aut Collegium Societatis sit, nihil ab externis nec pro se, nec pro aliis petant, aut accipiant sine facultate Superioris eiusdem Domus, vel Collegij.

12 Omnes alij, qui iter faciunt ex nostris equi-
tes, aut pedites, has regulas peregrinorum suo mo-
do, quantum fieri potest, etiam seruent: & tam
peregrini, quàm reliqui, qui iter fa-
ciunt, patentes literas sui Super-
rioris habere cu-
rent.

D E

DE OBEDIENTIAE VIRTUTE EPISTOLA N. P. IGNATII.

Ignatius Loiola Fratribus Societatis
IESV qui sunt in Lusitania gra-
tiam, & amorem Christi Do-
mini sempiternum.



Agnam animi voluptatem I:
*cipio, fratres in Christo cha-
rissimi cum affertur ad me,
quàm acri studio conatuq; ad
summam virtutis, ac diuini
obsequij perfectionem enita-
mini: beneficio illius, qui vos, et ad hoc vitæ insti-
tutum vocauit sic in eodem pro sua clementia
retinet, dirigitq; ad beatum finem, ad quem, qui
sunt ab ipso electi, perueniunt.*

Atque ego sanè cum vos omnibus de nis, orna- II.
*mentisq; spiritualibus perfectos, tñ verò (quod a-
liàs ex me cognouistis) in primis obediencie virtu-
te præstantissimos esse cupio: idque non solum
ob eximia quædam, ac singularia eius bona,
quæ tot, tamque illustribus sacrarum literarum*

Lib. 31. Mo-
ra. c. 10.

testimoniis atque exemplis, in testamento aequè nouo, ac veteri comprobantur: sed etiam quod (ut est apud sanctum Gregorium) obedientia sola virtus est, quæ virtutes cæteras menti inserit, insertasq; custodit. Hac dum floruerit, florebut proculdubio reliquæ, ædentq; fructus quales & ego in animis vestris exopto, & suo iure postulat is, qui humanum genus neglectæ obedientiæ scelere afflictum, ac perditum, saluari ipsemet obedientiæ reparauit, factus obediens vsque ad mortem, mortem autem Crucis.

Ad Phil. 2.

III.

Ab aliis religiosis ordinibus facilius patiamur superari nos ieiuniis, vigiliis, & cætera victus, cultusq; asperitate, quam suo quiq; ritu, ac disciplina sanctè suscipiunt: vera quidem, ac perfecta obedientia, abdicationeq; voluntatis, atq; iudicij maximè velim, fratres charissimi, esse conspicuos, quicunque in hac Societate Deo Domino nostro deseruiunt: eiusdemque Societatis veram, germanamq; sobolem hac quasi nota distingui, qui nunquam intueantur personam ipsam, cui obediunt, sed in ea Christum Dominum, cuius causa obediunt. Siquidem Superiori, nec si prudentia, bonitate, cæteris quoque libet diuinis donis ornatus, instructusque sit, propterea obtemperandum est: sed ob id

solùm, quòd vices gerat Dei, eiusdemq; autoritate fungatur, qui dicit: Qui vos audit, me audit, Luc. 10.
 & qui vos spernit, me spernit nec contrà, siue còsilio, aut prudentia minus valeat, quidquam idcirco de obedientia remittendum, quatenus ille Superior est: quando illius personam refert, cuius sapientia falli non potest: supplebitque ipse, quidquid ministro defuerit, siue probitate, aliisque ornamentis careat: siquidem disertis verbis Christus Dominus cùm dixisset, super cathedram Moysi sederunt Scribæ, & Pharisei: Mat. 23.
 protinus addidit. Omnia ergo, quæcunque dixerint vobis, servate, & facite: secundum verò opera eorum nolite facere.

Quo circa sedulò vos in eam curam, atq; exercitationem incumbere cupio, ut Christum Dominum in Superiore quolibet agnoscere studeatis, in eoque diuinæ Maiestati reuerentiam, atque obedientiam summam cum religione præstare. Quod vobis minus mirum videbitur, si animaduerteritis præceptum esse ab Apostolo, ut Superioribus etiam secularibus, ethnicisque pareamus, ut Christo, ex quo omnis potestas bene instituta descendit: sic enim scribit ille ad Ephesios. Obedite dominis carnalibus cum timore, & tremore in simplicitate

III.

Cap. 6.

cordis vestri, sicut Christo, non ad oculum seruientes, quasi hominibus placentes, sed ut serui Christi facientes voluntatem Dei ex animo, cum bona voluntate seruientes, sicut Dño, et nõ hominibus. Atq; hinc existimare poteritis ipsi, cum se religiosus quispiam regendum, ac moderandum alteri tradidit non solum ut Superiori, sed etiam nominatim, ut Christi partes agent: quo illum loco apud animum suum habere, verum ut hominem, an ut Christi vicarium debeat intueri.

- V. Iam verò illud etiam vobis clarè compertum esse, ac in animis vestris penitus insidere vehementer cupio: infirmam, & valde imperfectam esse primam illam obedientiæ formam, quæ mandata duntaxat opere exequitur: nec virtutis nomine dignam, nisi ad alterum gradum ascēdat, qui voluntatem Superioris suam efficit, & cum ea ita concordet, ut non solum in effectu executio appareat, verum etiam in affectu consensio: sicq; idem velit vterque, idem nolit. Atque propterea in sacris literis legimus. Melior est obedientia, quam victimæ: siquidem (ut S. Gregorius docet) per victimas aliena caro, per obedientiam verò voluntas propria mactatur: quæ quidem pars animi, quoniam est adeò præstans, sic fit, ut eius oblatio Domino, ac Creatori nostro
- per

per obedientiam facta magni sit & stimanda.

Quanto in errore, quamq; periculoso versantur, non dico solùm ij, qui in iis, quæ ad carnem, & sanguinem pertinent, sed illi etiam, qui in rebus alioquin admodum sanctis, ac spiritualibus, ut ieiuniis, precationibus, aliisq; quibusvis pietatis operibus fas putant à præscripto Superioris, ac voluntate discedere. Audiant quod sapienter adnotat Cassianus in Collatione Danielis Abbat. Vnum sanè, inquit, atque idem inobedientia genus est, vel propter operationis instantiam, vel propter otij desiderium, senioris violare mandatum: tamq; dispèdiosum est pro somno, quam pro vigilantia Monasterij statuta conuellere: tãtùm denique est Abbatis transire præceptum, ut legas, quantum si contempnas, ut dormias. Sancta fuit actio Martha, sancta contemplatio Magdalene, sancta pœnitentia & lacrymæ, quibus pedes Christi Domini rigabantur: sed hæc omnia nimirum oportuit fieri in Bethania, quam vocem domum obedientiæ interpretantur: ut ea re, quemadmodum ait S. Bernardus, nobis significare voluisse Dominus videatur: Nec studium bonæ actionis, nec otium sanctæ contemplationis nec lacrymam pœnitentis, extra Bethaniam illi accepta esse potuisse.

VI.

Coll 4. c. 20.

In Serm. ad
m. l. tēp. c. 13.

Quo-

VII.

Quocirca voluntates vestras, fratres charissimi quoad eius fieri potest, omnino deponite: libertatem Conditori vestro, quam vobis ipsemet elargitus est, in eius ministris liberè tradite, ac dicite, nolite exiguum vestri liberi arbitrij fructum putare, quod liceat vobis illud à quo id accepistis, eidem per obedientiam plenè reddere. Quod cum facitis, non modo non perditis ipsum, verum etiam augetis, atque perficitis: quippe qui vestras omnes voluntates certissima rectitudinis regula moderamini voluntate diuina, quam videlicet interpretatur is, qui vobis Dei nomine præsidet.

VIII.

*Itaque diligenter illud etiam cauendum est, ne Superioris vllò vnquam tempore voluntatem (quam ducere pro diuina debetis) ad vestram detorquere nitamini: id enim esset non vestram diuinæ conformare, sed diuinam vestræ voluntatis norma regere velle, eiusdem diuinæ sapientiæ ordinem inuertentes. Sanè quàm magnus est error, & quidem eorum, quos amor sui obcauit, obedientes existimare sese, cum Superiorem ad id, quod ipsimet volūt, aliqua ratione pertraxerint. Sanctum Bernardū in hac re præclarè exercitatum audite: Quisquis, inquit, vel aper-
tè, vel occultè satagit, ut, quod habet in voluntate, hoc*

*In Serm. de
trib. ordin.
eccle. ad Pa-
tres in capi-
tulo.*

te, hoc ei spiritualis pater iniungat, ipse se seducat, si fortè sibi quasi de obedientia blandiatur: neq; enim in ea re ipse Prælato, sed magis et Prælatus obedit. Quæ cum ita sint, quisquis ad obedientiæ virtutem velit peruenire, oportet ad hūc secundum obedientiæ gradum ascendat, vt Superioris non solum iussa exequatur, sed etiam eius voluntatem suam faciat, seu potiùs suam exuat, vt diuinam à Superiore expositam induat.

Qui verò se totum penitus immolare vult Deo, præter voluntatem, intelligentiam quoque, qui tertius, & summus est gradus obedientiæ, offerat necesse est, vt non solum idem velit, sed etiam vt idem sentiat, quod Superior, eiusq; iudicio subiiciat suum, quoad potest deuota voluntas intelligentiam inflectere. Quæ vis animi, tametsi non ea, qua voluntas pollet, libertate prædita est, atque ipsa natura fertur eius assensus in id, quod sibi veri speciem præbet: tamen multis in rebus, in quibus videlicet cognitiæ veritatis euidentiæ vim illi non infert, potest voluntatis pōdere in hanc potiùs, quàm in illam partem inclinari. Quæ res cum incidunt, debet quisquis obedientiæ profiteretur, inclinare sese in sententiā Superioris. Etenim cum obedientia sit quoddā holocaustū, quo totus homo sine vlla prorsus immunitate Con-

I X.

ne Conditori suo , ac Domino per manus ministrorum in charitatis igne immolatur: cumq; sit eadem renunciatio quædam integra , per quam omni suo iure sponte deccdit religiosus, ut diuinæ providentiæ, Superioris ductu gubernandū, ac possidendum vtrò se se addicat, ac mancipet: negari non potest, quin obedientia comprehendat non solum exequutionē, ut imperata quis faciat, & voluntatem, ut libenter faciat: sed etiam iudicium, ut quæcunq; Superior mandat, ac sentit, eadem inferiori, & recta, & vera esse videantur: quatenus, ut dixi, vi sua potest voluntas intelligentiam flectere.

X.

Vitam hanc mentis, et iudicij obedientiam, ita & intelligerent homines, & exercerent, ut grata Deo est, ac omnibus, qui in religione viuunt, necessaria. Nam, ut in corporibus, globisq; celestibus, ut alius alium afficiat, moueatque, requiritur, ut certa quadam conuenientia, & ordine inferior orbis superiori subiiciatur: sic in hominibus, cum alter alterius autoritate mouetur, quod per obedientiam fit, oportet, ut is, qui ab alterius nutu pendet, subseruiat, & obsecundet, ut virtus ab imperante ad eum deriuetur, et influat. Hæc autem obtemperandi, obsecundandique ratio constare non potest, nisi voluntas, ac
indi-

iudicium inferioris cum Superioris voluntate,
ac iudicio congruat.

Iam verò si finis, & causa obedientiæ spectetur XI.
tur, quemadmodum voluntas ita & iudicium
in eo, quod nobis convenit, decipi potest. Ergo si-
cuti ne voluntas erret, cum Superioris volunta-
te coniungitur: sic intelligentia, ne fallatur, ad
Superioris intelligentiam conformanda est. Ne Prouer. c. 3.
innitaris prudentiæ tuæ, sacrae literæ monent:
atque in rebus etiam humanis censent sapientes,
verè prudentis esse, sua ipsius prudentia minimè
fidere: præsertim in rebus suis, quarum homines
animo perturbato ferè boni iudices esse non pos-
sunt. Quòd si in rebus nostris, alterius etiam nõ
Superioris iudicium, atque consilium nostro an-
teponendum est, quantò magis ipsius Superioris,
cui nos, ut Dei vicem gerenti, ac diuinæ volunta-
tis interpreti moderandos tradidimus? In causis
verò, personisq; spiritualibus eò maior etiam
cautio proculdubio est necessaria, quò grauius
est spiritalis viæ periculum, cum sine frenis cõ-
siliij discretionisue in ea decurritur. Qua de re Coll. 2. c. 11.
commode Cassianus in Collatione Abbatis Mo-
si ait. Nullo alio vitio tam præcipitem diabolus
monachum pertrahit, ac perducit ad mortem:
quàm cum eum neglectis consiliis seniorum,
suo

XII.

suo iudicio persuaserit, definitionique considerare.
 Præterea, n. si hæc obedientia iudicij existat, fieri nō potest, ut vel consensus voluntatis, vel exequutio talis sit, qualē esse oportet: natura enim ita comparatum est, ut animi nostri vires, quæ appetitui dicuntur, sequantur apprehensivas: & nisi adhibita vi, voluntas iudicio repugnante, diu obtemperare non poterit. Quod si forte quis aliquo temporis spatio obediat per communem illam apprehensionem, qua censetur, perperam etiam præcipienti parendum esse: certè id stabile, ac fixum esse non potest: atque ita perseuerantia deficit, vel saltem obedientiæ perfectio, quæ in promptè, & alacriter obediendo consistit: non enim ibi potest esse alacritas, ac diligentia, ubi est animorum, sententiarumq; dissensio: perit etiam exequendi studiū, & celeritas, cū ambigitur, expediat, nec ne, facere quod iubemur: perit celebris illa obedientiæ cæca simplicitas cū apud nos ipsos in questionem vocamus recte ne præcipiantur, an secus: atque etiam fortasse damnamus Superiorem, quod ea mandet, quæ nobis non ita iucūda sunt: perit humilitas, quoniam, & si ex altera parte paremus, ex altera tamen nosmetipsos Superiori præferimus: perit in rebus arduis fortitudo: pe-

rit deniq; (ut summam cōplectar) virtutis hu-
 ius vis omnis, ac dignitas: succedunt autem in eo-
 rum locum dolor, molestia, tarditas, lassitudo, ob-
 murmurationes, excusationes, aliaq; vitia nō sa-
 nēleuia, quibus obedientiæ pretiū, ac meritum
 prorsus extinguitur. Itaque sanctus Bernardus,
 de iis qui grauiter ferūt imperata minus sibi sua
 uia sic ait: Hæc si molestè cœperis sustinere, si
 diiudicare Prælatū, si murmurare in corde, etiā
 si exteriū impleas, quod iubetur, nō est hæc vir-
 tus patientiæ, sed velamentum malitiæ. Quod si
 pax, & trāquillitas animi quæritur: certè hæc nō
 fruetur is, qui habet intra sese causam pertur-
 bationis, atq; tumultus, dissensionē, videlicet, indi-
 cij propriij ab obedientiæ lege.

Ser. 3. de Cir-
 cuncisione.

Atque idcirco tuenda concordia causa, quæ XIII.
 Societatis omnis est vinculum, tantopere horta-
 tur Apostolus, ut id ijs sum omnes sapiant, & di-
 cant: nimirum ut consentientibus & iudiciis,
 & voluntatibus mutuò foueantur, & conser-
 uentur. Iam si vnam, eundemq; oportet esse mē-
 brorum sensum, & capitis: facile cernitur, utrū
 sit equius, caput membri, an membra capiti cō-
 sentire. Atque ex his quidem quæ dicta sunt ha-
 etenus, satis apparet, obedientia iudicij quam sit
 necessaria.

Ad Rom. 15.
 & 1 Cor. 1. &
 2 Cor. 1. &
 ad Philp. 2.

DE OBEDIEN.

XIII.

Quàm verò sit eadem ipsa perfecta, grataq; Domino, inde primum ostèditur, quòd per eam præstantissima pars hominis, ac pretiosissima Domino consecratur: deinde quòd obediens ita fit holocaustum vinum, gratumq; Maiestatì diuinæ, cùm nihil sui met omnino retineat: postremo quòd magna est huius certaminis difficultas: frangit enim sese Dei causa obediens ipsemet, resistitque naturali propensione, quæ omnibus hominibus insita est ad suam complectendam, sequendamq; sententiam. Ex his igitur rebus efficitur, ut obedientia, tametsi propriè voluntatem perficere videatur, quippe quam reddit ad nutum Superioris promptam, ac paratam: nihilominus ad intelligentiam quoque ipsam, ut diximus, pertinere debeat, eamque inducere ad sentiendum id ipsum, quod sentit Superior: sic enim fiet, ut omnibus connixi viribus, & voluntatis, & intelligentiæ ad executionem celerem, atque integram veniamus.

XV.

Videor mihi vos fratres charissimi, audire dicētes, de virtutis quidem huiusce necessitate iam non ambigere, illud verò, ut cognoscatis vehementer optare, quo pacto ad eius perfectionem pervenire possitis. Huic ego quæstioni cum sancto Leone, ita respondeo. Nihil arduum est humilibus,

Serm. 5 de
Epiphania.

bus, & nihil asperum mitibus: modò non desit vobis humilitas, non desit mansuetudo: non utiq; deerit Deo benignitas ad vos adiuvandos, ut, quæ sibi promisistis, ea præstare possitis, animo non solum æquo, sed etiam libenti.

Præterea vobis tria nominatim propono, quæ XVI.
ad obedientiam iudicij comparandam multum iuvant. Primum illud est, ut quemadmodum in initio dixi, non intueamini in persona Superioris hominem obnoxium erroribus, atque miseriis: sed Christum ipsum, qui est sapientia summa, bonitas immensa, charitas infinita, qui nec decipi potest, nec vos vult ipse decipere. Et quoniam conscij vobismet estis, vos Dei amore iugum obedientiæ subiisse, ut in Superioris voluntate sequenda, voluntatem diuinam certius sequeremini: nolite dubitare, quin pergat fidelissima Dñi charitas, eorum ministerio, quos vobis præfecit, vos deinceps gubernare, & rectis itineribus ducere. Itaq; Superioris vocẽ, ac iussa, non secus, ac Cap. 1. Christi vocem excipite: siquidẽ Apostolus etiam in hanc sententiam scribens ad Colossenses, cum ad obtemperandũ Præpositis subditos adhortatur, ait: Quodcunq; facitis ex animo operamini sicut Domino, & non hominibus: scientes, quòd à Domino accipietis retributionem hereditatis,

In tracta. de
præcepto &
dispensat. se
re initio.

Domino Christo seruite. Sanctus Verò Bernardus, Siue Deus (inquit), siue homo vicarius Dei mandatum quodcunque tradiderit, pari profectò obsequendum est cura, pari reuerentia deferendum: ubi amen Deo contraria non præcipit homo. Atque ita, si nō hominem externis oculis, sed Deum inspexeritis internis: haud sanè graue fuerit vobis voluntates vestras, atque iudicia conformare ad eam regulam actionum vestrarum, quā ipsimet elegistis.

XVII.

Altera est ratio, ut quod Superior mandat, vel sentit, defendere semper apud animos vestros studiosè nitamini: improbare autem nequaquam: atque ad eam ipsam rem proderit bene animatos, affectosque; esse ad id omne, quod ipse iusserit: sic enim fiet, nō solum ut sine molestia, sed etiam ut cum voluptate, lætitiâque; pareatis. Nam (ut est apud Sanctum Leonem) non dura ibi necessitate seruitur, ubi diligitur quod iubetur.

Ser. 4. de electione
iunio septimi
mensis.

XVIII.

Postrema subiiciendi iudicii ratio est cum facilius, tutiorque; tū etiam apud sanctos Patres in more posita, ut statuatis vobiscum ipsi, quidquid Superior præcipit, ipsius Dei præceptum esse, & voluntatem, atque ut ad credenda, quæ catholica fides proponit, toto animo, assensuque vestro statim incumbitis, sic ad ea facienda, que-

quæcunque Superior dixerit, cæco quodam impe-
tu voluntatis parendi cupidæ sine vlla prorsus
disquisitione feramini. Sic egisse credendus est Gene. 22.
Abraham, filium Isaac immolare iussus: sic no-
ui Testamenti tempore aliqui è sanctis Patri-
bus iis, quos commemorat Cassianus: Vt Ioannes Lib. 4. cap.
Abbas, qui, quod erat ei imperatum, non reputa- 24. & 26.
bat vtile ne esset, an inutile: Vt cum aridum li-
gnum tanto, ac tam diuturno labore per annum
irrigauit nec vtrum fieri posset, nec ne: Vt cum
conatus est tam ex animo ingens saxum solus
dimouere loco, quod ne multi quidem simul ho-
mines impellere potuissent: quod obedientiæ ge-
nus ipsis interdum mi. aculis diuinitus compro-
batum videmus. Nam (vt alios taceam, quos ipsi
non ignoratis) Maurus sancti Benedicti disci-
pulus, mandato Superioris lacum ingressus,
nec mersus est: alius quidam à Superiore ius-
sus, leenam ad se ducere, illam cepit, atque
perduxit. Est igitur hæc ratio subiiciendi pro-
prii iudicij, ac sine vlla quæstione sancienti &
collaudandi apud se, quodcunque Superior iusse-
rit, non solum sanctis viris vsitata, sed etiam
perfectæ Obedientiæ studiosis imitanda omni-
bus in rebus, quæ cum peccato man. f. sto coniū-
ctæ non sunt.

Grego 2. dia
logo. c. 7. In
vitis Patrū.
2. par. lib de
obe.

XIX. Nec tamen idcirco vetamini, si quid fortè vobis occurrat à Superioris sententia diuersum, idq; vobis (consulto suppliciter Domino) exponendum videatur, quominus id ad Superiorem referre possitis: Verùm in hac re, ne vos amor vestri, iudiciūq; decipiat, illa cautio est adhibenda, ut animo sitis, & ante, & post relationem æquissimo, nō solum quod pertinet ad eam rem, de qua agitur, vel suscipiendam, vel deponendā: sed etiam ad approbandum, rectiusq; putādum quidquid Superiori placuerit.

XX. Atque hæc, quæ de obedientia diximus, æquè priuatis erga proximos Superiores: atq; Rectoribus, Præpositisque localibus erga Prouinciales: Prouincialibus erga Generalē: Generali deniq; erga illum, quem Deus ipsi præfecit, nempe suū in terris Vicarium, obseruanda sunt: sic, ut & ordinum præfecta distinctio, ac proinde pax retineatur, & charitas, sine qua nec Societatis nostræ, nec alterius cuiuslibet Sodalitij posset recta gubernatio conseruari. Nimirum hoc modo prouidentia illa diuina disponit omnia suauiter, infima per media, media per summa, suos ad fines cuncta perducens. Hinc illa, videlicet, in angelis vnius Hierarchiæ ad aliam subordinata series: hinc & celestium, & aliorum omnium,

quæ

quæ cientur, corporum certis locis, ac sedibus inter sese apta connexio. quorum conuersiones, ac motus ab vno mouente supremo gradatim omnes vsq; ad infimos rite proueniunt. Idem in terris, cum in omni ciuitate bonis instituta legibus, tum verò in Hierarchia Ecclesiastica cernitur, cuius omnia mēbra, et functiones ab vno generali CHRISTI Domini nostri Vicario derivantur: & quò accuratiùs hæc dispositio, & collocatio custoditur, eò rectior est gubernatio; & melior. Contrà verò huius ordinis negligentia, quàm graua incommoda multis hominum Societatibus importētur, nemo non videt. Atq; idcirco in hac, cuius mihi nonnullam procuratorem, ac curam Dominus tradidit, tam diligēter hanc virtutem exerceri, vigereq; percipio, quasi in ea Societatis nostræ bonum, ac salus vniuersa consistat.

Quæ cum ita sint, ut, vnde exorsa est, ibidem **XXI.** terminetur epistola: vos ego per Christum Dominum nostrum obtestor, qui sese nobis non modò præceptorem, sed etiam exemplar præbuit obedientiæ, ut ad eam virtutem toto pectore incumbatis, & gloriosæ victoriæ appetentes, atq; anidi, vosmetipsos superare, idest excelsiorem, & difficiliorem animi partem, voluntatē dico, atq;

*iudicium expugnare, et subiicere studeatis: quò
 Dei Domini nostri solida, veraq; cognitio, atque
 amor vestros ad se animos penitus trahat, totoq;
 vitæ huius, & quasi peregrinationis curriculo,
 usq; eo gubernet, ac regat, dum vos demum a-
 liosq; complures, vestra opera, exemploq; adiu-
 tos ad ultimum, & felicissimum finem, nimirum
 ad beatitudinem sempiternam perducatur. Vestris
 autem Deum precibus me valde commendo. Roma
 vij. Kal. Aprilis. M. D. LIII.*

CATA-

CATALOGVS
MISSARVM, ET
ORATIONVM, QVÆ NOSTRIS
PRÆSCRIBVNTVR.

SACRA IUXTA
nostrum institutum à
Sacerdotibus Societa-
tis ordinariè fa-
cienda.



Singulis annis.

IN principio cuiusq; anni unusquisq; Sacerdos Missa celebret pro nostra Societate.

Part. 10. §. 1.

2 Singulis annis præscripto die, in quo memoria foundationis Collegij, vel Domus fit, Missa cum so-

Par. 4 c. 1. §. 2. & can. 18. cong. 3.

ORATIONES
iuxta nostrum institutum, ab iis, qui Sacerdotes non sunt, ordinariè faciendæ.

Singulis annis.

ET singuli, qui Sacerdotes non sunt, ad eandem intentionem integrum Rosarium Domini nostri, videlicet, centum quinquaginta Ave Mariæ, & quindecim Pater noster, aut tres Coronas recitent.

Et singuli, qui Sacerdotes non sunt, ad eandem intentionem unam Coronam, aut tertiam partem

D § Ro.

solennitate pro Fundatore proprii Collegij, vel Domus, et benefactoribus viuis, & defunctis celebretur: et reliqui Sacerdotes, qui in Collegio, vel Domo habitauerint, pro eisdē sua Sacrificia offerant.

Rosarij recitent.

Singulis mensibus.

3 *In principio cuiusque mensis vnusquisque Sacerdos Missam celebret pro nostra Societate.* Par. 10 §. 1.

Singulis mensibus.

Et singuli, qui Sacerdotes non sunt, ad eandem intentionem tertiam Rosarij partem, aut vnā Coronam recitent.

4 *Initio cuiusque mensis omnes Sacerdotes, qui in Collegio, vel Domo fuerint, pro Fundatore proprii Collegij, vel Domus, & benefactoribus viuis, & defunctis semel Missæ sacrificiū offerant.* Par. 4 c. 1 §. 2

Et singuli, qui Sacerdotes non sunt, ad eandem intentionem vnā Coronam, aut tertiam Rosarij partem recitent.

Sin-

Sin-

Singulis hebdomadis.

5 Singuli Sacerdotes Cā. 11. Cōg. 3. pro illis de Societate, qui extra Prouinciam moriuntur, semel in quauis hebdomada Missæ sacrificium offerant.

6 Singulis hebdomadis, vbicunque fuerint decem, vel pauciores Sacerdotes, pro nostra Societate vna Missa à designato à Superiore dicitur: duæ verò, si fuerint plures quàm decem: tres autem, si fuerint plures quàm viginti: & ita deinceps in reliquis decadibus, si numerus Sacerdotum fuerit maior. Par. 10. §. 1.

7 Singulis hebdomadis pro Benefactoribus viuis, & defunctis propria Domus, vel Collegij P. 2. c. 4. §. 4.

Singulis hebdomadis.

Et singuli, qui Sacerdotes non sunt, ad eandem intentionem vnam Coronam, aut tertiam Rosarj partem recitent.

Et singuli, qui Sacerdotes non sunt, in quauis hebdomada ad eandem intentionem septem Paternoster noster, et septem Aue Maria recitent.

Et singuli, qui Sacerdotes non sunt, in quauis hebdomada ad eandem intentionem septem Pa-

gijs præter eas, quæ pro
Fundatore dicuntur, una,
aut duæ, aut plures Mis-
sæ pro numero Sacerdo-
rum offerantur, seruan-
do ordinem modò præ-
dictum.

8 Singulis hebdoma- P. 4. c. 1. §. 1.
dis Missa semel pro Fū-
datore proprij Collegij,
vel Domus, & benefa-
ctoribus viuis, et defun-
ctis à designato à Supe-
riore celebretur.

9 In Domibus et Col- P. 4. c. 1. lit. B
legijs, quæ saltem vigin-
ti ex nostris alere pos-
sunt, etiam si nō habeāt
proprium Fundatorem,
fiant pro iis viuis, et de-
functis, qui eorum fun-
dationē notabiliter ad-
iuuerunt, eadem Sacra-
mentum pro Fundatoribus
ordinariè fieri solent.

ter noster, & septena
Ave Maria recitent.

Et unus ex iis, qui Sa-
cerdotes non sunt à Su-
periore designatus, ad
eandem intentionē unā
Coronam, aut tertiam
partem Rosarij recitet.

Et singuli, qui Sacē-
dotes non sunt, ad ean-
dem intentionē pro eis-
dem facere debent eas-
dem orationes, quæ pro
Fundatoribus ordina-
riè fieri solent.

Sacra ab eisdem ex
traordinariè fa-
cienda.

Orationes ab eisdē
extraordinariè fa-
ciendæ.

10 Cum primū So Par. 4 c. 1. § 4
cietas in Collegij alicu-
ius possessionē venerit,
quilibet Sacerdos ter Sa-
crū faciat pro supersti-
te Fundatore ipsius, ac
benefactoribus.

Et singuli, qui Sacer-
dotes non sunt, ad ean-
dem intentionem Rosa-
rium integrū, aut tres
Coronas recitent.

11 Cū ex hac vita Par. 4 c. 1. § 4
idem Fundator excessē-
rit, singuli Sacerdotes
ter Sacrum pro anima-
bus illius, & benefacto-
rum faciant.

Et singuli, qui Sacer-
dotes non sunt, ad ean-
dem intentionem Rosa-
riū integrum, aut tres
Coronas recitent.

12 Idem iudiciū erit P. 4. c. 1. § 4
de Cōmunitatibus, vel & E.
Rebus p. quæ non moriū-
tur: fiet enim tria Sacra
pro viventibus, & tria
pro defunctis earū. Sic
etiā faciendum, quan-
do plures simul funda-
tionem constituunt.

Et singuli, qui Sacer-
dotes non sunt, integrū
Rosariū, aut tres Coro-
nas pro viventibus Cōm-
unitatibus & totidē
pro defunctis earum re-
citabūt. Similiter faciet,
quādo plures simul fun-
dationem constituunt.

13 Cū

D 7

Et

13 Cum primūm So- Cā.18. Cōg. 3
cietas in alicuius Do-
mus professæ posses-
sionē venerit, quilibet Sa-
cerdos intra illam Pro-
uinciam ter Sacrum fa-
ciat pro superstitē Fun-
datore ipsius, ac benefa-
ctoribus, & quando vi-
ta functus fuerit, alia
tria Sacra ab eisdē pro
animabus illius, et bene-
factorum fiant.

14 Pro Communita- P.4. c.1. lit. D
& E.
tibus verò, & pluribus,
qui simul Domus pro-
fessæ foundationem con-
stituūt, fiant intra ean-
dem Prouinciam, quæ
de Collegiis dicta sunt,
num. 10. 11. 12.

15 In Domo, vel Colle Cā.11. Cōg. 3.
gio, vbi quis de Societa-
te decesserit, singuli Sa-
cerdotes pro eo tria Sa-
cra, in aliis verò Prouin-
cia

Et singuli eiusdē Pro-
uinciæ, qui Sacerdotes
non sunt, integrū Rosa-
rium, aut tres Coronas
pro superstitē Fundato-
re, ac benefactoribus:
& quādo vita functus
fuerit, alterum Rosariū
integrū, aut tres Coro-
nas pro animabus illius,
ac benefactorum reci-
tent.

Et singuli eiusdē Pro-
uinciæ, qui Sacerdotes
non sunt, ad eandem in-
tentionem faciant, quæ
de Collegiis eisdem nu-
meris dicta sunt.

Et singuli eiusdē Do-
mus, aut Collegij, qui Sa-
cerdotes non sunt, pro
eo tres Coronas, aut tres
partes Rosarij: pro aliis

cia locis duo Sacra faciant.

Verò eiusdem Prouinciæ duas Coronas, aut duas partes Rosarij recitent.

16^a Cum de obitu cuiusq; nostrorum, qui extra Prouinciã obiit, significatur, per vniuersam Societatem omnes Sacerdotes in Missis illius animam Deo commendent, pro cuiusque deuotione.

C. 11. C. 8. 3.

Et singuli, qui Sacerdotes nō sunt, in suis orationibus illius animā Deo commendent, pro cuiusque deuotione.

17 Omnes Sacerdotes curent, iuxta Constitutiones, frequenter orare pro vniuersa Ecclesia, ac pro iis præsertim, qui maioris sunt momenti ad eius vniuersale bonum, cuiusmodi sunt Principes ecclesiastici, et seculares, et alij, qui multum prodesse, vel obesse bono animarum possunt, et pro amicis

Par. 7. c. 4. §. 3
& l. t. A.

Et omnes, qui Sacerdotes non sunt, idē iuxta Constitutiones curare debent.

cis, et benefactoribus vi-
uētib; et viua funētis,
et pro aliis, in quorū au-
xiliū peculiariter ipsi,
& reliqui de Societate
in variis locis inter fide-
les, & infideles incum-
bunt, * & etiā pro ma- ^{* P. 10 lit. B}
le affectis erga nostrā
Societatem.

Sacra ex præscripto
P. N. Generalis ab
vnoquoq; Sacerdo-
te Societatis or-
dinariē fa-
cienda.

18 Vnusquisq; Sacer-
dos singulis mensibus
duo Sacra faciat, alterū
pro Indiis, & Gentium
conuersione: alterū pro
regionibus Septentrio-
nalibus, & Hæretico-
rum reductione, & in
aliis

Orationes, ex præ-
scripto P. N. Gene-
ralis à singulis, qui
Sacerdotes nō sunt,
ordinariē fa-
ciendæ.

Et singuli, qui Sacer-
dotes non sunt, vnā Co-
ronam, aut tertiam par-
tem Rosarij pro Indiis,
& Gentium conuersione,
& alterā Coronā,
aut tertiam Rosarij par-
tem pro regionibus Se-
pten-

aliis Sacrificiis, & orationibus eadem Domino commendabit.

19 Singulis hebdomadis unusquisq; Sacerdos Sacrum unum ad intentionem Reuerendi Patris nostri Generalis faciat, & in aliis Sacrificiis, & orationibus eandem Domino commendabit.

ptentrionalibus, & Hæreticorum reductione recitent, & in aliis orationibus eadem Domino commendabunt.

Et singuli, qui Sacerdotes non sunt, ad eandem intentionem unam Coronam, aut tertiā Rosarij partem recitent, & in aliis orationibus eandem Domino commendabunt.

Non intendimus per ea, quæ superius recēsentur, excludi reliqua Sacra, & orationes omnes, quæ pro occurrentibus necessitatibus à Superioribus imponi ad tempus solent.

FORMULA

votorum simplicium.

Omnipotens sempiterne Deus: Ego N. licet vnde cunq; Diuino tuo conspectu indignissimus, fretus tamen pietate ac misericordia tua infinita, & impulsus tibi seruiendi desiderio, voueo coram sacratissima Virgine Maria, et Curia tua celesti vniuersa, diuinae Maiestati tuæ Paupertatem, Castitatem, & Obedientiam perpetuam in Societate I E S V. Et promitto eandem Societatem me ingressurū, vt vitam in ea perpetuò degam omnia intelligēdo ipsius iuxta Societatis cōstitutiones. At tua ergo immēsa bonitate & clementia per I E S V Christi sanguinem peto suppliciter, vt hoc holocaustum in odorem suauitatis admittere digneris: & vt largitus es ad hoc desiderandum, & offerendum: sic etiam ad explendum gratiam vberam largiaris.